



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“ broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“, broj: 96/13 i 89/16) i člana 18. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08), izdajem

IZVJEŠTAJ O REVIZIJI GODIŠNJEG FINANSIJSKOG IZVJEŠTAJA ZA 2017. GODINU NOVOG BOŠNJAČKOG POKRETA

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS REVIZIJE.....	5
Predmet revizije	5
Cilj revizije.....	5
Obim revizije	5
4. PRETHODNE KONTROLE I REVIZIJE.....	5
5. NALAZI I PREPORUKE REVIZIJE	5
5.1 NALAZI.....	5
5.2. PREPORUKE.....	6

MIŠLJENJE REVIZORA

Služba za reviziju finansiranja političkih stranaka (u daljem tekstu: Služba za reviziju) izvršila je reviziju godišnjeg finansijskog izvještaja Novog bošnjačkog pokreta za 2017. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Naša odgovornost je da izrazimo mišljenje na osnovu revizije koju smo izvršili.

Reviziju smo izvršili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garanciju da je stranka postupala u skladu sa odredbama Zakona o finansiranju političkih stranaka.

Revizija je na osnovu uzoraka ispitivala značajne transakcije koje potvrđuju iznose u finansijskim izvještajima, ocjenu računovodstvenih načela prilikom sastavljanja finansijskih izvještaja i postupanje u skladu sa odredbama Zakona o finansiranju političkih stranaka.

Smatramo da revizija koju smo izvršili pruža razumnu osnovu za izražavanje našeg mišljenja.

Revizijom godišnjeg finansijskog izvještaja za 2017.godinu, utvrđeno je da je Novi bošnjački pokret prekršio odredbe člana 5. stav (4), član 11. stav (1) i člana 12. stav (1) i stav (4) Zakona o finansiranju političkih stranaka.

Prema našem mišljenju, osim navedenog, revidirani finansijski izvještaj ukazuje da je Novi bošnjački pokret u 2017. godini postupao u skladu sa odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je reviziju godišnjeg finansijskog izvještaja Novog bošnjačkog pokreta za 2017. godinu.

Revizija je preduzeta u skladu sa članom 10. stav (1) Zakona o finansiranju političkih stranaka, članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da se revizija obavlja provjerama na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Novi bošnjački pokret se finansirao iz sljedećih izvora¹:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	300,00	11,11
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	2.400,00	88,89
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	2.700,00	100,00
II	Ostali prihodi i drugo	0,00	0,00
	Izvori finansiranja (I+II)	2.700,00	100,00

U godišnjem finansijskom izvještaju stranka nije iskazala rashode.

2. PREDSTAVLJANJE POLITIČKE STRANKE

Naziv političke stranke je Novi bošnjački pokret. Skraćeni naziv stranke je NBP.

Politička stranka je registrovana kod Općinskog suda u Sarajevu, rješenjem broj: 065-0-F1-14-000019 od 31.07.2014. godine, pod nazivom Stranka novog puta sa sjedištem u Sarajevu, ulica Mis Irbina broj 26/1. Rješenjem Općinskog suda u Sarajevu, broj 065-0-F1-16-000006 od 27.12.2016. godine upisana je promjena naziva stranke, koji glasi Novi bošnjački pokret.

Sjedište stranke je u Sarajevu, Zagrebačka 27.²

Lice ovlašteno za zastupanje stranke je Mirsad Ćosić, predsjednik stranke. Ovlašćeno lice za finansijske izvještaje za 2017. godinu je Amel Petrović.

Prema podacima iz godišnjeg finansijskog izvještaja za 2017. godinu, Novi bošnjački pokret nema niže nivoe organizovanja.

¹ Podaci iz korigovanog obrasca 3 (Izvori finansiranja) koji je dostavljen nakon izdatog Preliminarnog izvještaja.

² Obavjest stranke o novoj adresi od 08.09.2017. godine.

3. OPIS REVIZIJE

Predmet revizije je godišnji finansijski izvještaj Novog bošnjačkog pokreta za 2017. godinu.

Cilj revizije je da se na osnovu provedenih revizijskih procedura pribave revizijski dokazi, koji će revizoru omogućiti da izrazi mišljenje o tome da li je Novi bošnjački pokret u izvještajnom periodu postupao u skladu sa odredbama Zakona o finansiranju političkih stranaka.

Obim revizije finansijskog izvještaja Novog bošnjačkog pokreta, koji obuhvata kontrolu finansijske dokumentacije i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju izvršila je pregled godišnjih finansijskih izvještaja Novog bošnjačkog pokreta u periodu od 2014. do 2016. godine, nakon čega su izdati izvještaji o pregledu sa mišljenjem revizora, nalazima i preporukama. Nakon izvršenog pregleda godišnjeg finansijskog izvještaja za 2016. godinu, izdat je izvještaj o pregledu sa mišljenjem revizora, nalazima i preporukama stranci da vodi evidencije o primljenim prilozima, da vodi potpune evidencije o prihodima i rashodima i da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2017. godinu, utvrđeno je da Novi bošnjački pokret nije ispoštovao date preporuke.

5. NALAZI I PREPORUKE REVIZIJE

5.1 NALAZI

Novi bošnjački pokret prekršio je odredbe člana 5. stav (4), člana 11. stav (1)³ i odredbe člana 12. stav (1)⁴ i (4)⁵ Zakona o finansiranju političkih stranaka.

Na osnovu obavljene revizije godišnjeg finansijskog izvještaja i dodatne dokumentacije, utvrđeno je da Novi bošnjački pokret nije uspostavio potpune i tačne evidencije o svojim prihodima i rashodima, nije dostavio godišnji finansijski izvještaj u zakonom propisanom roku i godišnji finansijski izvještaj nije popunio u skladu sa odredbama Pravilnika o godišnjim finansijskim izvještajima političkih stranaka-u daljnjem tekstu: Pravilnik, čime su preksene odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

(1) Centralna izborna komisija BiH je, dana 15.02.2018. godine, obavijestila stranku o obavezi dostavljanja godišnjeg finansijskog izvještaja za 2017. godinu. Kako stranka u ostavljenom roku nije dostavila izvještaj, stranci je poslata urgencija, broj: 03-07-6-153-2/18 od 03.05.2018. godine. S obzirom da stranka ni nakon urgencije nije dostavila godišnji finansijski izvještaj za 2017. godinu, Služba za reviziju je najavila reviziju na terenu u prostorijama ove političke stranke, koja je obavljena 04.04.2019. godine.

³ Politička stranka dužna je voditi poslovne knjige i podnositi finansijske izvještaje na način koji je utvrđen zakonom i drugim propisima u skladu sa zakonom.

⁴ Politička stranka vodi evidenciju o svojim prihodima i rashodima.

⁵ Do 31.03. naredne godine politička stranka podnosi finansijski izvještaj u formi koju odobri Centralna izborna komisija BiH.

Novi bošnjački pokret je podnio izvještaj putem Aplikacije FI CIK BiH dana 06.06.2019. godine, te je potvrdio o podnesenom izvještaju za 2017. godinu, bez odštampanih i ovjerenih obrazaca u PDF formatu, dostavio Centralnoj izbornoj komisiji Bosne i Hercegovine dana 10.06.2019. godine, tj. nakon zakonom propisanog roka, čime je prekršio odredbe 3. stav (1) Pravilnika⁶ i člana 12. stav (4) Zakona o finansiranju političkih stranaka.

- (2) Stranka nije popunila obrazac 2 (pregled prometa svih transakcionih računa) godišnjeg finansijskog izvještaja, iako je imala promet putem transakcionog računa, čime je prekršila odredbe člana 11. Pravilnika.

Kontrolom prometa transakcionog računa broj: 1413065320121134 otvorenog kod Bosna Bank International d.d, utvrđeno je da je ukupan promet ulaza iznosio 300,00 KM, ukupan promet izlaza 211,40 KM, a saldo na dan 31.12.2017. godine 88,60 KM.

- (3) Stranka nije u obrascu 3-a iskazala tačne podatke o donatorima i nije izdala potvrde o prijemu priloga u skladu sa članom 6. stav (1) Pravilnika, čime je prekršila odredbe člana 5. stav (4) i člana 12. stav (4) Zakona o finansiranju političkih stranaka.

Uvidom u izvode sa transakcijskog računa, utvrđeno je da su fizička lica Mirsad Ćosić i Kenan Boloban dali priloge stranci u iznosima od po 100,00 KM, Meho Alić prilog u iznosu od 30,00 KM, te je na račun izvršen i polog sredstava u iznosu od 70,00 KM. Stranka je u obrascu 3-a iskazala da je primila prilog fizičkog lica Mirsad Ćosić u iznosu od 100,00 KM, donaciju stranke Narodni Bošnjački pokret u iznosu od 100,00 KM, te priloge niže od 100,00 KM u ukupnom iznosu od 100,00 KM.

- (4) Stranka na obrascima 4. (rashodi političke stranke) i 4.1 (režijsko administrativni troškovi) godišnjeg finansijskog izvještaja nije iskazala troškove, iako su isti, prema raspoloživim podacima, iznosili 2.611,40 KM, čime je prekršila odredbe člana 21. i 22. Pravilnika

Naime, prema podacima iz Bilansa uspjeha za period 01.01.-31.12.2017. godine, ukupni rashodi stranke u 2017. godini iznosili su 211,40 KM. Služba za reviziju je utvrdila da stranka u poslovnim knjigama nije evidentirala troškove zakupa poslovnog prostora u iznosu od 2.400,00 KM⁷, čime su i ukupni rashodi stranke u poslovnim knjigama i Završnom računu iskazani u manjem iznosu.

5.2. PREPORUKE

Preporučuje se Novom bošnjačkom pokretu da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da izdaje potvrde o primljenim donacijama,***
- ***da poslovne knjige vodi u skladu sa računovodstvenim propisima, odnosno da vodi pravilne evidencije o prihodima i rashodima,***
- ***da finansijske izvještaje dostavlja u zakonom propisanom roku i***
- ***da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.***

⁶ Potvrdu o podnesenom godišnjem finansijskom izvještaju i odštampane obrasce finansijskog izvještaja u PDF formatu ovjerene potpisom ovlaštenog lica i pečatom političke stranke dostavljaju Centralnoj izbornoj komisiji BiH u tvrdoj kopiji.

⁷ Uvidom u Ugovor o zakupu utvrđeno je da je stranka koristila poslovni prostor fizičkog lica bez naknade, čiji je mjesečni iznos zakupa 200,00 KM, što za 2017. godinu ukupno iznosi 2.400,00 KM. Stranka je troškove iskazana u Bilansu stanja, na kontu Aktive 000-nekretnine, postrojenja, oprema.

KOMENTAR

U ostavljenom roku, Novi bošnjački pokret je izvršio korekcije prihoda na obrascima 3, 3-a i 3-e godišnjeg finansijskog izvještaja za 2017. godinu, čime je djelimično otklonio utvrđene nedostatke. Služba za reviziju je uvažila argumentovane primjedbe stranke, pa je u skladu sa istima korigovala nalaze revizije iz Preliminarnog izvještaja o reviziji.

Šef Odsjeka za revizijske poslove

Sanja Tošović

Revizor

Nevenko Andan

Pomoćnik revizora

Anela Burdžović Kapić

šef Službe za reviziju

Mr. sc. Hasida Gušić